



DOVRE KOMMUNE

Landbruks- og matdepartementet
Postboks 8007 Dep
0030 OSLO

Landbruks- og matdep.	
Saksnr.: 12/1143	Doknr.:
Mottatt: 30 MAI 2013	LPI/LM
Saksbehandler:	Arkiv: 512.1
Kopi:	Ansvar:

Vår ref
2013/309/2/V90

Deres ref:

Saksbehandler
Ellen Marie Sørungård Syse

Dato
02.05.2013

Høringsuttale - forskrift om tilskot til drenering av jordbruksareal

Dovre kommune viser til høringsbrev av 19.04.2013 gjeldande forslag til forskrift om tilskot til drenering av jordbruksjord.

Uttala er utarbeidd administrativt, politisk behandling vil bli ettersendt etter 12.06.2013. Dovre kommune ber om forståing for dette, då høringsfristen er før fyrste moglegheit for politisk behandling.

Uttala slik ho vil bli fremja for politisk behandling ligg vedlagt dette brev.

Med helsing

Ellen Marie S. Syse
Ellen Marie Sørungård Syse
Landbrukssjef

Vedlegg

1 Høyering - forskrift om tilskot til drenering av jordbruksareal

Høyring – forskrift om tilskot til drenering av jordbruksjord

Saksutredning:

Landbruks- og Matdepartementet har sendt ut på høyring ny forskrift om tilskot til drenering av jordbruksjord. I jordbruksoppgjæret i 2012, som vart stadfesta av Stortinget i Prop. 122 S, vart det bestemt at det skulle setjast av 100 millionar kr til tilskot til grøfting. Som grøfting er rekna lukka dreneringsgrøfter og opne grøfter for oppsamling og bortleiing av vatn, profilering (overflateforming av jordbruksareal med opne grøfter på sidene), samt omgraving (omsnuing av jordprofilen for drenering av areal og forbetring av bæreevne).

Midla blir fordelt til fylka ut frå andel fulldyrka areal, men kornareal og grønssaks- og potetareal blir tillagt dobbel vekt. Fylkesmannen fordelar midla vidare til kommunane, og dei har valt same fordelingsnøkkel mellom kommunane som departementet har nytta i si fylkesfordeling. Oppland har fått tildelt 9,2 millionar kr, førebels berekning viser at det blir avsett om lag 210 000 kr til Dovre.

Tilskotet skal berre gjevast til fornying av grøfter. Det er forslag om eit tilskot på 1 000 kr pr. dekar grøfta areal, og det er sett vilkår om at søkjar må utarbeide Miljøplan trinn 2 for å søkje tilskot (Miljøplan trinn 2 er knytt til særskilte miljøformål i jordbruket, og skal innehalde målsetjing for miljøinnsats, planar for tiltak og dokumentasjon på gjennomføring av tiltak).

I forskrifta er det vidare forslag om at ved anna grøfting enn systematisk grøfting, kan det gjevast 10 kr pr. løpemeter grøft, avgrensa til 1 000 kr pr. dekar. Tilskotet må vere på minst 5 000 kr pr. søknad for at det skal bli utbetalt.

Det er kommunen som skal ta imot tilskotssøknadane og fatte vedtak om tilskot. Fylkesmannen er klageinstans. Kulturminnemyndigheitene skal uttale seg når tiltaket kan røre ved interesser innafor deira fagområde. Det skal ikkje gjevast tilskot til grøfting som er starta før tilskot er innvilga. Dersom det blir søkt om meir midlar enn det som er tilgjengeleg, skal tiltak som både gir auka jordbruksproduksjon og reduserer faren for vassforureining prioriterast.

I jordbruksoppgjæret i 2012 vart det brot mellom Staten og faglaga. Følgeleg var det Staten sitt tilbod som vart ståande og vedteke av Stortinget, og faglaga fekk ikkje innverknad på avtaleteksta. Forskrifta har vorte svært forseinka, m.a. pga. avklaringar med Miljøverndept. som hadde synspunkt på tilhøvet til moglege kulturminner i jorda som kunne bli påverka/øydela av dreneringa.

Vurdering:

Det er svært positivt at det no er kome eit statleg tilskot til grøfting. Behovet er stort, noko ikkje minst dei siste åra med mykje nedbør har synt. I Dovre har det sidan 2011 vore kommunalt tilskot til grøfting. Der kan det gjevast inntil 25 kr pr løpemeter ope grøft.

Normal kostnad ved systematisk grøfting ligg på pluss-minus 6 000 kr pr. daa (tal henta frå landbrukskontoret Vågå/Sel). Dette tilsvarar om lag 50 kr pr. meter. Kostnaden ved enkeltgrøfter (som stort sett er det som er aktuelt i vårt område) ligg på om lag 70 kr. pr. meter, noko som tilsvarar 8 400 kr pr. daa. Det er mest aktuelt med tilskot pr. løpemeter i Dovre, då det er svært lite systematisk grøfting.

Tilskotet til enkeltgrøfter bør vere større. For Dovre sin del er det lite aktuelt med systematisk grøfting. Kostnaden pr. meter er større ved enkeltgrøfter enn ved systematisk grøfting. I forslaget til forskrift vil satsen på 10 kr per løpometer gjelde ved grøfting med avskjæringsgrøfter. Her meiner ein at ein bør kunne gje tilskot til tal dekar som blir berørt, framfor tal løpometer grøft.

Kravet til minsteutbetaling på 5 000 kr er for høgt. Med eit tilskot på 10 kr pr. meter, vil ein måtte grøfte 500 m for å kunne få tilskot. Det er svært sjeldan grøfteprosjekt i Dovre som omfattar så mykje som 500 m. Tilskot til grøfting er lagt innunder SMIL-ordninga (Spesielle Miljøtiltak i Landbruket). Der er det ikkje fastsett minsteutbetaling i forskrifta, men ein har praktisert ei grense på 1 000 kr. Ein ser det som naturleg at dette også blir nytta for grøftetilskotet.

Vilkåret om at tilskot berre kan gjevast til fornying av grøfter bør fjernast. Sjølv om det største behovet nok er på tidlegare grøfta areal der grøftene no må fornyast, vil det også vere areal som tidlegare ikkje har vore grøfta som har behov for grøfting. Dei siste åra med blaute somrar har vist dette. Eit forventet blautare klima framover vil forsterke denne trenden. Omsynet til eventuelle kulturminner i jorda som kan skadast av grøfting, bør heller ikkje vere eit hinder for grøfting av tidlegare ugrøfta areal. Ein har sidan 1997 hatt ei forskrift om nydyrking der omsynet til evt. kulturminner i jorda er ivareteke. At ein ikkje skal kunne få tilskot for å grøfte fulldyrka jord som i årevis har vore nytta, er ikkje hensiktsmessig.

Rådmannens innstilling:

Dovre kommune meiner det er svært positivt at det no blir ei statleg tilskotsordning for grøfting av jordbruksareal. Behovet er stort, og det er viktig å kunne støtte opp om og stimulere til grøfting.

Kommunen ser imidlertid at forslaget til forskrift inneheld nokre punkt som ikkje er hensiktsmessige, og som bør endrast. Ein vil difor foreslå at følgjande endringar blir gjort:

- Tilskot til anna grøfting enn systematisk grøfting aukast frå 10 til 20 kr pr. løpometer
- Minste utbetaling blir redusert frå 5 000 kr til 1 000 kr pr. søknad
- Tilskot kan også gjevast til tidlegare ugrøfta dyrka areal
- Ved bruk av avskjæringsgrøfter bør det bli gjeve tilskot til tal dekar berørt areal, ikkje tal løpometer grøft